

**JAMHURI YA MUUNGANO WA TANZANIA**

**BUNGE LA TANZANIA**



**23 MEI, 2016**



# ORODHA YA SHUGHULI ZA LEO

---

## MKUTANO WA TATU

KIKAO CHA ISHIRINI NA SITA – TAREHE 23 MEI, 2016

### I. HATI ZA KUWASILISHA MEZANI:

#### WAZIRI WA MALIASILI NA UTALII:

Randama za Makadirio ya Mapato na Matumizi ya Wizara ya Maliasili na Utalii kwa Mwaka wa Fedha 2016/2017.

### II. MASWALI:

#### OFISI YA RAIS (TAMISEMI):-

#### 209. MHESHIMIWA RICHARD PHILIP MBOGO (NSIMBO):

Atamuuliza Mheshimiwa Waziri wa Nchi, Ofisi ya Rais (TAMISEMI):- Chaguzi za Madiwani zilifanyika katika kambi ya wakimbizi Katumba Mwaka 2015:-

Je, ni lini Serikali itapeleka fedha ili kukamilisha chaguzi za Serikali za Vijiji na Mitaa.

**210. MHESHIMIWA SOPHIA HEBRON  
MWAKAGENDA (VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Halmashauri ya Wilaya ya Rungwe ni sehemu muhimu ya ghala la chakula la Taifa katika Mikoa mitano (5) inayolima chakula kwa wingi nchini Tanzania; lakini kikwazo kikubwa ni usafirishaji wa mazao hayo kufikia masoko ya nje ya Wilaya; Halmashauri imeomba ongezeko la bajeti ya barabara kufikia bilioni 7,969,000,000/= ili kuweza kukarabati barabara zote muhimu na kuwezesha wakulima kusafirisha mazao yao kwa urahisi na hatimaye kuongeza kipato cha Halmashauri ya Wilaya ya Rungwe:-

Je, Serikali iko tayari kukubali ombi la Halmashauri ya Wilaya ya Rungwe la kuongeza fedha katika bajeti ya 2016/2017.

**WIZARA YA MAMBO YA NDANI YA NCHI:**

**211. MHESHIMIWA DEVOTA MATHEW MINJA  
(VITI MAALUM):**

Atamuuliza Mheshimiwa Waziri wa Mambo ya Ndani ya Nchi:- Askari wa Jeshi la Polisi na Magereza wanaishi katika nyumba chakavu zisizokuwa na hadhi ikilinganishwa na kazi zao wanazofanya kwa jamii:-

Je, Serikali ina mpango gani kuwaboreshea makazi.

**212. MHESHIMIWA OSCAR RWEGASIRA MUKASA (BIHARAMULO MAGHARIBI):**

Atamuuliza Mheshimiwa Waziri wa Mambo ya Ndani ya Nchi:- Kwa miaka ya hivi karibuni vifo vya Watanzania vinavyotokana na ajali za barabarani vimekuwa vingi na kuleta hisia kwamba hali hii sasa ni janga la Kitaifa, ni muhimu Watanzania wakafahamu kwa takwimu kuhusu ukubwa wa tatizo la vifo na majeruhi kutokana na ajali za barabarani badala ya kusikia taarifa ya tukio moja:-

- a) Je, ni zipi takwimu na mchanganuo wa matukio kuanzia mwaka 2013 hadi 2015, Kitaifa na Mikoa miwili inayoongoza na miwili yenye ajali chache;
- b) Je, mfumo gani endelevu na wa wazi kama upo ambao Serikali inatumia kutoa takwimu hizo kwa Watanzania badala ya taarifa moja moja pindi inapotokea.

## **WIZARA YA UJENZI, UCHUKUZI NA MAWASILIANO:**

### **213. MHESHIMIWA KHALIFA MOHAMMED ISSA (MTAMBWE):**

Atamuuliza Mheshimiwa Waziri wa Ujenzi, Uchukuzi na Mawasiliano:- Imekuwa ni kawaida kwa ndege ndogo zenye uwezo wa kubeba abiria kumi hadi kumi na sita kuongozwa na Rubani mmoja bila kuwa na msaidizi; na Rubani kama binadamu anaweza kukumbwa na hitilafu yoyote kiafya na kushindwa kuongoza ndege:-

- (a) Je, Serikali haioni kuwa kuruhusu ndege kuongozwa na Rubani mmoja ni sawa na kuyaweka rehani maisha ya abiria;
- (b) Je, Sheria za Nchi yetu na zile za kimataifa zinasemaje juu ya ndege ya abiria kurushwa na Rubani mmoja.

### **214. MHESHIMIWA MENDRAD LUTENGANO KIGOLA (MUFINDI KUSINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Upembuzi yakinifu wa barabara ya kutoka Nyololo hadi Mtwango yenye urefu wa km 40 umefanyika mwaka 2013/2014:-

Je, ni lini barabara hiyo itaanza kujengwa kwa kiwango cha lami.

**WIZARA YA HABARI, UTAMADUNI, SANAA NA MICHEZO:**

**215. MHESHIMIWA MARTIN MTONDA MSUHA (MBINGA VIJIJINI):**

Atamuuliza Mheshimiwa Waziri wa Habari, Utamaduni, Sanaa na Michezo:- Wananchi wa Tarafa za Hagati, Mbuji na Mkumbi hawapati matangazo ya Redio TBC kutokana na kituo cha TBC – Songea kutokuwa na uwezo wa kurusha matangazo na badala yake wanapata matangazo ya Redio toka Nchi jirani ya Malawi:-

Je, Serikali ina mpango gani wa kuongeza uwezo wa kurusha matangazo kituo cha TBC – Songea ili wananchi wa Tarafa hizo wapate habari kupitia TBC.

**WIZARA YA VIWANDA, BIASHARA NA UWEKEZAJI:**

**216. MHESHIMIWA ESTHER LUKAGO MIDIMU (VITI MAALUM):**

Atamuuliza Mheshimiwa Waziri wa Viwanda, Biashara na Uwekezaji:- Vijana wengi wa Mkoa wa Simiyu hawana ajira kutokana na ukosefu wa viwanda Mkoani humo na Serikali ilitunga Sera ya Maendeleo Endelevu ya Viwanda vya kusindika Mwaka 1996 - 2020 itakayosimamia

maendeleo ya viwanda vya kusindika mazao ya kilimo ili kuongeza thamani ya mazao:-

Je, Serikali ina mpango gani wa kujenga viwanda vya kusindika mazao katika Mkoa wa Simiyu.

**217. MHESHIMIWA JAMES MILLYA KINYASI (SIMANJIRO):**

Atamuuliza Mheshimiwa Waziri wa Viwanda, Biashara na Uwekezaji:-

Je, ni lini Serikali itatekeleza wazo la kuanzisha mradi wa EPZ ambayo imetengewa eneo kwenye Mji Mdogo wa Mererani ili kuwezesha kuwepo kwa soko la Tanzanite Wilayani Simanjiro ambalo litadhibiti utoroshwaji wa madini ya Tanzanite na kuwapatia vijana wetu ajira.

**WIZARA YA MAJI NA UMWAGILIAJI:**

**218. MHESHIMIWA JULIANA DANIEL SHONZA (VITI MAALUM):**

Atamuuliza Mheshimiwa Waziri wa Maji na Umwagiliaji:- Tatizo la maji ni changamoto kubwa sana katika Mkoa wa Songwe na Wilaya zake zote:-

Je, Serikali ina mpango gani wa kuwaondolea adha ya maji wanawake wa Mkoa huo hususan Mji Mdogo wa Tunduma ambako hali ni tete zaidi.

**III. HOJA ZA SERIKALI:**

**WAZIRI WA ARDHI, NYUMBA NA MAENDELEO YA MAKAZI:**

Kwamba, Bunge sasa likubali kujadili na kupitisha Makadirio ya Mapato na Matumizi ya Wizara ya Ardhi, Nyumba na Maendeleo ya Makazi kwa Mwaka wa Fedha 2016/2017.

***(Majadiliano yanaendelea)***

**DODOMA  
23 MEI, 2016**

**DKT. T. D. KASHILILAH  
KATIBU WA BUNGE**